



Հովհաննես Թումանյան

Հոգեհան

(Լեզենդա)

Փոցխովի ձորում ծաղկում էր Շամոն,
Կուսական գարուն ու սեր շրնչելով,
Փոցխովի ձորում թռչում էր Համոն,
Ծաղիկ աղջրկա սիրուց տանջվելով:

Չէ՛, չեմ հավատում իսկի քո սերին,
Դու սուտ ես ասում, դու չես սիրում ինձ...
Ասում էր Շամոն սիրահար տղին
Ու հեռո՛ւ-հեռու հըրում իրանից:

Ու դարձյալ գընաց տղան սիրակեզ.

Ո՞ր կըրակն ընկնեմ, Շամո, որ գըթաս.
Միրտս չեմ կարող, թե հանեմ տեսնես
Ի՞նչ անեմ ուրիշ, որ ինձ հավատաս:

Տեսնո՞ւմ ես, ահա, ասավ աղջիկը,
Ցույց տալով լերան գագաթը ահեղ.

Ինձ դիր քո ուսին, սրբինգրդ փրչիր,
Ու վե՛ր, պարելով՝ տար մինչև այնտեղ:

Երբ որ կրհասնենք էն սարի գլխին,
Այնժամ կիմանամ, որ սիրում ես ինձ,
Այնտեղ կըլինեն ես քո սիրուհին,

Ու սիրով կապված կիջնենք այնտեղից:

Ու դրավ ուսին սիրած աղջրկան,
Սրինգը հրնչեց, ըսկըսեց պարը,
Ճանապարհ ընկավ սիրահար տղան
Դեպի ամպամած լեռան կատարը:

Գընում է, գընո՛ւմ սեպ ժայռերն ի վեր,
Ու պար է գալի, և անվերջ ածում.
Դեռ շա՛տ է հեռու... որտե՛ղ ես դու դեռ...
Դու ինձ չես սիրում, դու սուտ ես ասում...

Ծալվում են հոգնած ծընկները տակին,

Քրտինքը վազում ճակատից ներքև,
Բերանն է հասել թրոշում է հոգին,
Աչքերը մթնում, շընչում հեփհե:

Չէ՛, չեն հավատում ես դեռ քո սերին,
Դեռ շատ է հեռու գագաթը լեռան...

Ասում է Շամոն նրստած ուսերին,
Ճըգնում է նորից ուժասպառ տղան:

Արդեն ամպերի տակին է պարում:

Մոտիկ է արդեն գագաթը ձյունոտ,
Վերջին ուժերը հավաքում, լարում,

Դարձյալ մի պըտույտ, դարձյալ մի ոլորտ...

Մի քիչ էլ... քիչ էլ... վերջապես հասավ,
Վայր դըրավ ուսից սարի կատարին.
Հոգիս հանեցիր, օ՛ֆ Շամո... ասավ,
Ասավ ու ընկավ սրբինգը ձեռին:

Այժմ քո սերին հավատում եմ ես,
Այս ժամից ահա քոնն եմ հավիտյան,
Ճըշաց աղջիկը, գըրկեց վերջապես,
Գըրկեց Համոյի... դիակն անկենդան:

Այժմ էլ ժեռուտ սարի գագաթին

Դեռ ցույց են տալի մի հին գերեզման,
Պատմում, ավստսում անբախտ իգիթին,
Ու սարի անունն ասում Հոգեհան...

1901